

謝幼槃文集卷第十

墓誌祭文

董彥孚墓誌銘



君字彥孚諱革姓董氏家撫之金谿贈承事諱某隱居田里孜孜樂善不倦於君為曾祖王父隱君生承議郎通守虔州諱某清修刻苦居官守正不撓工詩博學至老未嘗一日廢書虔州生信州玉山主簿諱某越州司戶叅軍諱某同年登進士第以經術文章擅場一時稱江西兩董越州早亡玉山性剛狷不肯俯首事大吏以是官不達玉山生君三歲姆抱觀壁間書一日弄筆寫十餘字乃壁間所嘗見者玉山驚異之四五歲誦書如建瓴水賦五字詩有

文采可觀稍長下筆奮迅如風霆聲觀者辟易處州拊其背曰異時以文學大吾後必此兒也後數從進士試其為文汗漫喜出怪竒語卒不合有司繩尺並放情為歌詩其悲歡譏罵一於歌詩見之年四十一以卒時政和二年六月甲子也以其年十一月甲子塋於興源山之側王母壽昌君曾氏春秋高君左右事之常得其歡欣於是壽昌君哭之不成聲曰天乎吾老而見嫡孫之亡也室王氏二南<sub>男</sub>回騫皆童稚四女長許嫁幼在襁褓二季需曇才士也集君歌詩五百篇藏於家撫其孤且教之君其必有後乎余娶君之姑知君最詳為銘曰

挾才以為鏃援經以為弧惜<sub>替</sub>榮名之不立撫報服而號呼季也懷之羽翼其雛尚克奮飛釋憤幽墟

吳伯俞墓誌銘

余昔讀書龍泉之陽見其地肥衍有稻梁魚果蔬之饒意其必有素封之民居於其間面山而帶溪氣象清曠又意其必有俊秀之士出焉既而識吳君伯俞君語余曰吳氏自高安徙臨川卜築於龍泉溪上不知其幾年矣吾祖吾父皆力穡為善不倦逮吾治生而貲益竒贏吾是以構屋買書延四方之才士使吾兒從之游已而見其子果皆好學而文也君以政和四年三月癸卯卒壽六十有八以其年十月辛酉葬于穎秀鄉之仙游原其子克明錄其寔哀經走百里乞銘於余辭之不可遂序而銘之君諱仕舜伯



俞其字也曾祖諱道玠祖諱文侃考諱仁遂君喜觀書尤長於陰陽五行之說善飲酒縱譴客至無不罄歡歲飢低穀價以惠貧民疾病不能謂醫者為發藥治之賴而活者頗衆有負子錢數百萬者焚其券弗問有娶其兄之子貧不能自給者分田以養之其恤於鄉里厚于宗黨類如此三男子曰克開曰克明曰克從孟前君七年卒仲初授銜州未陽尉季嘗貢于辟靡先室饒氏繼室周氏一女子嫁進士饒擴早卒孫男四人曰邵曰邠曰郁曰郊孫女三人孟既嫁而卒於未筭銘曰

富好行其德知其志之無驕也德必饗其樂知其家之有後也嗚呼百歲之後近其墓者勿樵也

朱夫人墓誌銘

夫人朱氏撫州金溪人贈宣德郎諱彥國之孫處士諱猷可之女同邑人陳筭君謨之妻為職方員外郎出守濠州諱猷明者夫人之叔父也夫人以大觀四年七月戊申卒享年三十有七以政和元年十二月丙午葬于歸政鄉交龍原男三人曰德厚處厚曰躬厚女四人長嫁進士周均餘皆幼夫人喪父母蚤王母崇德君怜之不許嫁凡兒濠州承崇德之命擇所宜釋以歸君謨夫人為兒時柔順稱於宗族及為婦益以孝敬聞其姑曰吾為陳氏繼室娶時尚少左右就養俾吾安其室不惟予子之孝亦予婦之力也君謨曰吾治家有法為士無過行吾妻每有助焉夫

人之卒也其姑哭之哀甚君謨日拊棺哭不絕聲出語賓客語泫然不知涕之交頤也或謂君謨賦悼亡之詩足以寫其悲懷不然出遺服飾佩圖佛以授浮屠亦足以塞悲二者君謨皆不暇為乃日夜悲傷憂懣至於病猶未已雖伉儷之重君謨所難忘亦夫人之賢實使之君謨病且愈叩余門泣涕言曰吾妻葬得日願有銘余既夙聞夫人有賢行於是撰次其事又嘉君謨能篤於夫婦之恩也乃序其情作哀詞以吊之使銘諸石內之壙中以當銘其詞曰朝之密階：分于豆于觴夕之容翼：兮我襟我裳一日棄予而往兮莽不知其何鄉姑當饋而實涕兮見啾：而在傍我夢平生兮婉若覲其清揚既覺而非兮徒有泪其

浪：身如朝露兮何者為強餘生終幾兮憂又克傷凋蘭  
瘞玉兮何日而忘

朱夫人墓誌銘

金溪陳大聲將葬其妣以其父命來謁銘且曰大聲從君伯氏溪堂先生游又辱知於君溪堂工文詞銘貞士烈女節行不誣吾母塋得日而先生遠謝世微君誰宜銘者不得銘其何以掩諸幽余不得辭乃誣其家世行實序而銘之夫人朱姓撫州金溪人朱氏大家有宦於朝為顯人而仕於州縣者相望也夫人祖諱宿考諱宗良皆隱德不仕夫人年十八歸為陳師堯聖徒之配於是姑老矣夫人於倫次為冢婦事姑孝謹至于疾痛疴養無不察而家事無



大細皆親之其從夫以敬其訓子以嚴其友娣嬪以和其御僮僕以恩其言其動無纖毫不本於誠者故陳宗無疏戚莫不敬愛之姑捐館舍既終喪夫人以家事委諸婦而聖徒亦放曠樂酒不躬事生業歲時諸女來覲孫子侍側恭鞠鞠脆舉觴交猷迨其暇豫舍飴弄孫蓋將以佚樂壽考終焉而夫人不幸止此其可哀也夫又卒以政和二年二月甲子享年五十二以其年十月乙酉葬于歸政鄉之柳原男三人大聲大球大信女三人嫁彭通一黃馭許猷可子與婿皆從進士舉孫男女九人皆幼銘曰  
婦德幽々孰傳其譽子行表々乃知其母壽不稱德子孫其昌宰木百圍無或壞傷

祭無逸兄文

嗚呼群從兄弟孰如兄賢豈特群從此邦則然猗與幾希豈唯此邦世之偉人其心則降兄與信民猶璧一雙庚寅之秋汪子云亡自楚計聞衆為盡傷豈知此來兄又窀穸僅閱三稔乃瘞連璧凡今知聞孰不霑臆某也晚生少兄七歲讀書相從兄冠我穉凡視我為不日見戲教之誨之以俟其成及我既冠待以友朋歡然之恩不唯弟兄我壯窮<sup>益</sup>祿<sup>益</sup>欠升丰客于下邑計以餬口兄書日來問我安否去年從兄走于京師風雪脩途間以凍飢迨其旋返病不能支我侍兄行逆旅謁醫搽藥饋漿鮮克以時從者息肩哭聲在幃嗚呼我不忍思尚忍言之兄之詩文為世所珍廣

微之書以遺後人欲銘其藏必得名世我未往求書石以  
識載我以尊酌以祖行肺肝塌然有淚如澆

祭董彥孚文

嗚呼彥孚學足以入官議事而無祿以代其耕智足以發  
奸摘伏而無地以施其巧顧世之暗聾或施之而得志而  
君之智術乃皇之于一飽衆雖殺而莫憐子亦從嗔而須  
數頃駕言而寓居嗟識面之不早我每倡而君和子或可  
而予否初疑鑿枘之難合卒若酸醎之適口共娛嬉於文  
字亦殷勤於盃酒方予之疾我獨執其手方子之歛我獨  
拊其柩始也哭子以詩自謂足以寫哀既而銘子之藏人  
或意其不朽遠消辰而啟殯復撫事而垂淚夜漫之而莫

旦魂杳之而何之醉一觴而告訣庶彷彿其來思

潘邠老哀詞

予離羣而處獨兮望古人而求友君被褐而懷才兮臥柯  
丘之林藪賦幽懷于秋夜兮雖愛君而不見託筆墨以寫  
心兮蓋定交其已久歲乙酉之將盡兮始識君于大梁面  
蒼之而髮星之兮今何茲時之不偶君曰無傷兮繫吾道則  
然相從于屋漏之下兮日賦詩而飲酒越仲春之未望兮  
我乘舟而東去君踟躕而不忍別兮步河堤而携手念會  
合之難常兮嗟形影之乖離既黯然而分道兮常瞻焉而  
回首謂別君其幾何兮曾書問之不通驚凶計之奄至兮  
為投箸而噎嘔予固知自古皆有死兮誰能免夫牖下夫



何奔走於道路兮竟死于奴隸之手矧比年之凋喪兮鬼  
 然皆國之楨君雖學而未仕兮天又憊而莫之壽意君死  
 而無憾兮從諸公於九泉奈生者之惻愴兮謂天意之莫  
 究惟君之文兮予謂不朽于今之世兮祇以覆瓿不顯于  
 今兮固傳于後嗚呼君身槁壤兮君名星斗

丁丑三月初二日校畢 汪姓記於清泉吟社

謝幼槃文集卷第十

幼槃詩文不傳於世此本從內府借出時方涇寒京師僑  
 書甚貴需銓旅邸費用不贍乃自為鈔寫每清霜呵凍十  
 指如槌幾二十日始克竣帙藏之於家亦足詫一段奇事  
 也萬曆己酉十二月十四日辛酉晉安謝肇淛題